



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Cura Salvtis, Sivæ De Statu Vitæ Mature ac Prudenter
Deliberandi Methodus**

Hevenesi, Gábor

Coloniae, 1716

VD18 13912755

Affectus.

[urn:nbn:de:hbz:466:1-50144](#)

DEUM diligis, fac ut à pluribus diligitur ; si eum sincerè amas, imaginem ejus peccatorum sordibus nec in proximo conspurcari patere. Si DEO afficeris, impedi, ne DEUS amor tuus æternum blasphemetur, eripe animas à perditione. Fortè multarum animarum salutem tuæ vocationi alligavit DEUS, quæ nisi tua cooperatione, non salvabuntur. Examina Parthenophile vires tuas, quid possint ? eum vitæ statum, an prote sit, investiga, in quo non tuam solum animam, sed cum hac multas ad DEUM adducas. Divinorum omnium divinisimum est, DEO cooperari in salutem animarum.

Affectus.

O Ignis, qui semper ardes, nunquam extingueris ! O amor, qui semper uris, & nunquam te pescis ! ecce cor meum ! cor tepidum ! cor ambiguum ! accende illud, ut te incessanter amet ; trahe illud, quod tu vis, in funiculis charitatis, ut diligam te DEUS meus, Adiutor meus, Amator meus ! Diligam te dono tuo, modulo mea, minus quidem justo, sed planè non minus posse meo. Amo & amo te : licet, quantum debeo,

beo, non possum; non possum tamen ultra, quam possim! potero plus, cum tu plus donare dignaberis; nunquam tamen, prout dignus es amari. Amote, sed & proximum propter te, tui & hujus amore statum eligam, in quo ego cum pluribus amen te, & ita nunc amare incipiam, ut nunquam desinam!

An expedit Juveni citò de statu
vitæ deliberare.

I. **D**Eliberationem de statu vitæ eligendo differre, tentatio est dæmonis, volentis impedire salutem hominis; ideo vaferimus hic animæ hostis ingerit metum erroris, quod juvenis rem tantam, quanta est electio status, ne cdum intelligat, nec satis penetrare possit. Cum tamen

2. Vocatio non tam sit labor nostri judicii, quam gratia & donum DEI: dona verò innocentibus facilius largitur DEUS. Quod innocentiores, tanto certius in te operatur Spiritus Sanctus; quod plus maturescunt juvenes, tanto majus periculum est amittendæ innocentiae; adeoque tanto minus gratia DEI digni evadunt. Præstat ptævenire, quam præveniri.

3. Si